

蒲江詞

目錄

賀新郎 二調

宴清都

魚遊春水

倦尋芳

西江月

清平樂

烏夜啼 三調

謁金門 二調

水龍吟 二調

洞仙歌

鷓鴣天 二調

摸魚兒

夜飛鵲慢

漁家傲

木蘭花慢

沁園春

菩薩蠻

滿江紅

好事近

蒲江詞目錄 終

宋六十名家詞

蒲江詞目錄

二

蒲江詞

宋 盧祖皋

賀新郎

彭傳師於吳江三高堂之前作約雪亭
蓋擅漁人之窟宅以供詩境也趙子野

約余賦之得師中興詞
進作傳師

挽住風前柳問鷗夷當日扁舟近曾來否月落

潮生無限事零落茶煙未久謾畱得尊鱸依舊

可是功名從來誤撫荒詞誰繼風流後今古恨

一搔首江涵雁影梅花瘦四無塵雪飛雲起

夜窗如畫萬里乾坤清絕處付與漁翁釣叟又

恰是題詩時候猛拍闌干呼鷗鷺道他年我亦

垂綸手飛過我共樽酒雲起一
作風起

又姑蘇臺觀雪

十頃涵空碧面國中崢嶸勾玉亂零吹壁倚遍

危欄吟不盡把酒風前岸幘記當日西湖鶯客

誰剪吳松江上水笑乾坤奇事成兒劇還照我

夜窗白崇臺目斷清無極引枝筇瓊瑤步歎

印登臨展娃館娉婷知何在淚粉愁濃恨積故

化作飛花很簫舊事悠悠渾莫問有玉蟾醉裏

曾相識聊伴我吹羌笛句相似應
一作吹羌笛
一作夜吹笛或病二尾

春訊飛瓊管風日薄度墻啼鳥聲亂江城次第

笙歌翠合綺羅香曉溶溶澗綠水泮醉夢裏年

華暗換料黛眉重鎖隋堤芳心還動梁苑新

來雁闊雲音鸞分鑑影無計重見啼春細雨籠

愁澹月恁時庭院離腸未語先斷算猶有凭高

望眼更那堪芳草連天飛梅弄晚

魚遊春水愁離

離愁禁不去好夢別來無覓處風翻征袖觸目

年芳如許軟紅塵裏鳴榔聲拾翠飛中勾伴但

都負歲時暗關情緒 昨夜山陰社宇似把歸
期驚倦旅遙知樓倚東風凝翠暗數寶香拂拂
道驚錦心事悠悠尋燕語芳草暮寒亂花微雨

征砧花處
某作征砧

倦尋芳

春思

香泥壘燕密葉巢鶯春晴寒淡花徑風柔著地
舞裙紅軟闌草烟欺羅袂薄秋千影落春遊倦
醉歸來記寶帳歌慵錦屏香煖 別來恨光陰
容易還又荼蘼牡丹開徧如恨疎狂那更柳花
迎面鴻羽難憑芳信短長安猶近歸期遠倚危
樓但鎮日繡簾高捲

西江月

春中

燕掠晴絲裊裊魚吹水葉鄰鄰禁街微雨濕芳
塵寒食清明相近 設着宮羅試暖閑呼社酒
酬春晚風簾幕悄無人二十四番花訊

清平樂

春恨

柳邊深院燕語明如剪消息無憑聽又頓隔斷
舊屏雙扇 寶杯金縷紅牙醉魂幾度覓家何
處一春遊蕩夢中猶恨楊花

烏夜啼

離恨

柳色津頭綠桃花渡口啼紅一春又負西湖
醉離恨雨聲中 客袂迢迢西塞餘寒剪剪東
風誰家拂水飛來燕惆悵小樓空

又

湖西

漾暖紋波颭颭吹晴絲雨濛濛輕衫短帽西湖
路花氣撲春驄 闌草寒衣溼翠秋千瞥眼飛
紅日長不放春醪因立盡海棠風

又

秋別

一段段寒沙淺水蕭蕭暮雨孤蓬香羅不共征衫
遠砧杵客愁中 別恨情看楊柳歸期暗數芳
蓉君梧聲到紗窗曉昨日幾秋風

謁金門

別借

蘭棹舉相趁落紅飛去一隙輕簾凝睇處柳絲
牽不住昨日翠蛾金縷今夜碧波烟渚好夢
無憑宿又雨天街知幾許天街一作天涯

又音思

閒院宇獨自行來行去花片無聲簾外雨峭寒
生碧樹做弄清明時序料理春醒情緒憶得
歸時停棹處画橋看落絮

水龍吟

葉茶

蕩紅流水無聲暮烟細草粘天遠低回倦蝶往
來忙燕芳期頓愼綠霧迷墻翠虬勝架雪明香
暖笑依依欲挽春風教住還疑是相逢晚不
似梅粧瘦減占人間丰神蕭散攀條弄藥天涯
猶記曲闌小院老去情懷酒邊風味有時重見
對枕幃空想東窓舊夢帶酒離恨帶酒一作帶將

又重西

會昌湖上扁舟幾年不醉西山路流光又是宮

衣初試安榴半吐千里江山滿川烟草薰風淮
楚念離騷恨遠獨醒人去闌干外誰懷古亦
有魚龍戲舞豔晴川綺羅歌鼓鄉情節意樽前
同是天涯轉放濃綠池塘翠陰處院歸期無據

問明年此夜一眉新月照人何處

洞仙歌

葉茶

玉肌翠袖較似荼蘼瘦幾度熏醒夜窗酒問炎
州何事得許清涼塵不到一段水壺剪就晚
來庭戶悄暗數流光細拾芳英黯回首念日暮
江東偏爲魂銷人易老幽韻清標似舊政簾紋
如水帳如烟更奈向月明露凝時候

鷓鴣天

葉茶

纖指輕拈小研紅自詞官羽按歌重寒餘芍藥
欄邊雨香落荼蘼架底風閒意態小房櫳丁
寧須滿玉西東一春醉得鶯花老不似年時怨
玉容

又集

庭綠初圓結蔭濃香溝收拾樹梢紅池塘少歇
鳴蛙雨廉幕輕迴舞燕風春又老笑誰同澹
烟斜日小樓東相思一曲臨風笛吹過雲山第
幾重

摸魚兒

九日登
姑蘇臺

怪西風曉來吹帽年華還是重九天機袞袞山
新瘦客子情懷誰割微雨後更雁帶邊寒裊裊
欺羅袖情荷倦柳銷不似黃花田田照眼風味
儘如舊登臨地寂寞崇臺最久闌干幾度搔
首翻雲覆雨無窮事流水斜陽知否吟未就但
衰草寒煙商略愁時候閒愁浪有總輸與淵明
東籬醉舞身世付杯酒

夜飛鵲

慢別
食

驕嘶破清曉分恨臨期花下憇月明知餘光是
處散離思最憐香鵲罪牽衣損彈淚問嶼風

愁霧剗地東西雷輟換佩怕匆匆已是遲遲
涼怯幾番羅袂還燕別文梁螢點青幃一自秋
娘迢遞黃金對酒爭忍輕揮新來院落雁難尋
簾幙長垂怕影梧敲徑鶯回舊夢應也擗眉

漁家傲

壽白石
先生

白石山中風景異先生日日懷歸計何事黃阿
飛雪地偏着意畫堂却爲東坡起人說前身
坡老是文章氣節潭相似只待鼎彝勲業遂梅
花外歸來長向山中醉

木蘭花慢

別西河
兩詩僧

嫩寒催客棹載酒去談詩歸政紅葉漫山清泉
漱石多少心期三生溪橋話別悵薛蘿猶惹翠
雲衣不似今番醉夢帝城幾度斜暉鴻飛烟
水瀾瀾回首處只君知念吳江鶯憶孤山鶴怨
依舊東西高峯夢醒雲起是瘦吟窗底憶君時
何日還尋後約爲余先寄梅枝

沁園春變溪

幾葉凋楓半箇寒日傍橋繫船愛洞門深鎖人間福地雙溪分占天上星躔破帽倚寒短鞭敲月此地經行知幾年空贏得似沈郎消瘦還欠詩篇沙鷗伴我愁眠向水驛風亭紅蓼邊有村醪可飲且須同醉溪魚堪餽切莫論錢笠澤波頭垂虹亭上橙蟹肥時霜滿天相隨否算江南江北惟有君閒

菩薩蠻春思

翠樓十二闌干曲雨痕新染蒲萄綠時節又黃昏東風深閉門玉簫吹未徹窗影梅花月無語只低眉閒拈雙荔枝

滿江紅齊雲月雨

樓倚晴空炎雲淨晚來風力滄海外等閑吹上滿輪寒壁河漠低垂天欲近乾坤浩蕩秋無極凭欄千衣袂拂青冥知何夕登眺地追躋昔

吳越事皆陳迹對清光祗有醉吟消得萬古悠

悠惟月在浮生袞袞空頭白自騎鯨仙去有誰

知遙相憶

好事近秋

雁外雨絲絲將恨和愁都織玉骨西風添瘦減尊前歌力袖香曾枕醉紅腮依約唾痕碧花下凌波入夢引春雛雙鸚

盧祖皋字中之一號蒲江居士永嘉人樓

大防之甥也一時永嘉詩人爭學晚唐體

徐熙字道暉徐璣字文淵翁卷字靈舒趙

師秀字紫芝稱為四靈與中之倡和莫能

伯仲惜其詩集不傳黃叔陽謂其樂府甚

工字、可入律呂浙人皆唱之中興集中

幾盡採錄或病其偶句太多未足驚目余

喜其柳色津頭滋綠桃花渡口啼紅較之

秦七鶯鶯水花紅溜燕尾點波綠皺不更

鮮秀耶又玉簫吹未徹窗影梅花月無語
只低眉間拈雙菰枝直可步趨南唐孤枕
夢回離塞遠小樓吹徹玉笙寒矣至如紅
羅雁影梅花瘦花片無聲簾外雨云云蓋
古樂府佳句也惜乎蒲江詞一卷僅二
十有五闕耳古虞毛晉識